



20

২৮টি প্রাথমিক বিদ্যালয় ভবন ধসে পড়ার আশংকা

চকোরিয়া, ২রা ফেব্রুয়ারী (নিজস্ব সংবাদদাতা)।-চকোরিয়া উপজেলায় ২৮টি প্রাথমিক বিদ্যালয়ের ভবন ধসে পড়ার আশংকা দেখা দিয়েছে। এর মধ্যে বেশির ভাগ বিদ্যালয় ভবনের ছাদের প্লাস্টার ধসে পড়ে কয়েকবার ছাত্রছাত্রীরা আহত হয়েছে। ফলে বর্তমানে ছাত্র-ছাত্রীদের খোলা আকাশের নীচে ক্লাস করতে হচ্ছে।

উপজেলা শিক্ষা বিভাগ জানায়, চকোরিয়ায় ২৪টি বেসরকারী সহ ১২৬টি প্রাথমিক বিদ্যালয় রয়েছে। এর মধ্যে ১৬টিকে পুরোপুরি ব্যবহার অনুপযোগী ঘোষণা দেয়ার পর ফ্যাসিলিটিজ বিভাগ কর্তৃপক্ষ ৮টির উন্নয়নে অগ্রহ প্রকাশ করে এবং ইতিমধ্যেই এ এ ব্যাপারে টেন্ডারও দেয়া হয়। ৪টির জন্য ঢাকায়, অপর ৪টির পুনঃনির্মাণের জন্য টেন্ডার দেয়া হয় চকোরিয়ায়।

সংশ্লিষ্ট প্রকৌশলী জানিয়েছেন, ইতিমধ্যেই (চকোরিয়ায় টেন্ডারকৃত) ২টি বিদ্যালয় ভবনের নির্মাণ কাজ সমাপ্ত হয়েছে। তবে পুনঃনির্মাণ উপযোগী আরো ৬টি বিদ্যালয় রয়েছে বলে তিনি উল্লেখ করেন। এগুলো হচ্ছে: বি, এম, চর প্রাথমিক বিদ্যালয়, পাগলির বিল প্রাথমিক বিদ্যালয়, ফুলছড়ি প্রাথমিক বিদ্যালয়, মাই-জাকারী প্রাথমিক বিদ্যালয়, মধ্য সওদাগরঘোষা প্রাথমিক বিদ্যালয়, দরবেশকাটা প্রাথমিক

বিদ্যালয়, পূর্ব বড় ভেওলা প্রাথমিক বিদ্যালয় ও পেইমিছা প্রাথমিক বিদ্যালয়।

এলাকাবাসীরা জানান, এ ছাড়া আরো ১৪টি প্রাথমিক বিদ্যালয়ের পাকা-আধাপাকা ভবনের অবস্থা গুরুতর।

এ ব্যাপারে এলাকাবাসী সংশ্লিষ্ট বিভাগের দৃষ্টি আকর্ষণ করেছেন।